



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita B. Francisci Salesii, Episcopi Et Principis Gebennensivm Meritissimi

Maupas du Tour, Henri Chauchon de

Coloniæ Ubiorum, 1663

Cap. VII. Taurinum petit, & Salucias: hoc posteriore loco de S. Cruce dicit
ad populum.

urn:nbn:de:hbz:466:1-42882

tum, ut de ea loquens diceret; *In timore, & tremore multo fui apud vos.* (b) Etenim quam lynceum oportet eum esse, cujus partes sint, discernere spiritus, quid quisque ferre valeat, quæ cujusque talenta sint, quo quisque modo alliciatur, quid in cujusque mente gratia, quid verus homo operetur? Væ illi, qui naufragii periculo se ultro objicit, quisque dirigendas animas suscipit antè, quam noscat apprimè consilia Dei super filios hominum, & quâ viâ quemque duci ad se velit! Videlicet perinde facit temerarius ille, quisquis est, ac is, qui per medias tempestates & procellas navarchum agere velit sine pyxide nautica, sine velis, nullâ ventorum notitiâ, nullâ scopulorum. Unius Dei est, legere summos illos viros, quos regendis aliis præficere constituit, itaque deducendis, ut portum aliquando vitæ beatæ capiant. Talis Episcopus Gebennensis noster fuit; de quo idem hoc ultimo seculo Dominus Deus pronunciaffe videtur, quod olim de Sadoe summo Sacerdote: (c) *Suscitabo mihi Sacerdotem fidelem, qui juxta cor meum & animam meam faciat; & edificabo ei domum fideliem*: familiam videlicet Monialium Visitationis; præter tot hominum millia, quos per vias vitæ deduxit.

(b) 1. Cor. 2. (c) 2. Reg. 2.

CAPUT VII.

Taurinum petit, & Salucias: hoc posteriore loco de S. Cruce dicit ad populum.

CHERUBINI illi duo, quorum de medio olim Deus alloquebatur populum suum, (a) potestatem

(a) Exod. 25.

222 VITÆ B. FRANCISCI SALESII
statem duplicem significant, Ecclesiasticā & sece-
larem, vel certè Æternam & Temporariam; unde
origo eorum omnium quæ facienda nobis sunt
tanquam debita. Proinde, cum persuasissimum
esset Episcopo nostro, omnem potestatem à Deo
esse; postquam in recenti Episcopatus administratione
reddiderat Deo quæ Dei erant, non defuit sibi
quin si non *Cæsari*, certè suo Principi, hoc est, Seren-
nissimo Duci Sabaudiaë redderet quæ Principis
erant. Ad eum igitur adiit, gratiis agendis pro sin-
gulari illo studio, quòd tam constanter erga se de-
clarasset: utque grati animi significatio novorum
beneficiorum conciliatrix blandissima esse sole-
ret, gratificatus est ei denuo optimus Princeps quod
potuit, æquissimis illius postulatis cunctis annu-
ens: neque enim quidquam Episcopus expectat
quod non ad Dei gloriam suâ in diocesi promo-
vendam pertineret. Et quoniam in amicitia legum
servandis posita est pars non exigua officii
ne hinc sibi Franciscus deesset, constituit visere an-
discessum, Episcopum Saluciensem, quicum ardentis-
sima ipsi necessitudo intercedebat. Carmanio-
lâ cum pervenisset IV Non. Majas, in pervigilio
deficet Inventionis S. Crucis; postridie rogatus
vehementer ab eodem Episcopo, id moris ante
qui fuisse memoranti, ut quoties Episcopus alium
alium inviseret, is qui advenerat verba faceret de
loco superiore ad populum; assensit, nec gravari
disputavitque luculenter de S. Crucis encomiis
illud maximè sequens, ut sensum quendam vene-
rationis singularem erga vitalem arborem in au-
dientium mentibus imprimeret: hoc ardentissimum
quòd

quòd èt ipse diù antè eodem in argumento verfa-
 rus erat, & quascunque laudes SS. Patres in Cru-
 cem Domini congesserunt, eas habebat in prom-
 ptu. Nòrat scriptum à S. Augustino, (b) *Lignum in*
quo fixa erant membra patientis, etiam fuisse cathedram
Magistri docentis; & Arcam mysticam, quæ homi-
num genus à cataclysmo tutata esset: ac ut magna
& mirabilia sint, quæ per virgam Mosis fecit Deus,
 ad Erythræi maris siccandum alveum, per quem
 Israëlita transirent, à Pharaonis servitute vindica-
 ti, in quo mox rei Ægyptii submergerentur; per
 eandem amarorem aquarum in suavitatem mu-
 tarit Moses idem; eâdem percussa silex, undarum
 fluentia fuderit; circa eam extentis manibus Ama-
 lecitas vicerit, & in Arca Testamenti conclusa lex
 Dei fuerit; per Crucem tamen res mirabiliores
 perfectas à Deo fuisse. Eâ verò in hortatione hoc
 memoriâ dignum accidit, quòd cùm Italicè dicere
 cepisset Ecclesiastes, mox, ut intellexit Gallicè sci-
 re auditores suos, Gallicè pergere instituerit: quæ
 comitas unâ cum pietate juxta, & soliditate oratio-
 nis, sic audientium animos rapuit, qui ex locis vi-
 cinioribus longè lateque concurrerant, ut cuncti
 Franciscum sibi hospitem deposcerent: ac si ho-
 spitium aliud defuisset, libenter sua quisque præ-
 cordia ad tantum Virum excipiendum obtulisset.

(b) *Tract. 119. in Ioan.*

CAPUT VIII.

Redit Anecium: exortum disidium cum

Capitulo S. MARIÆ, componit.

Bis Moses ille, de quo proximè, silicem percussit
 ad aquam extundendam: bis Elisæus Jordanis
 undas